


KOMMUNIMUT PILERSAARUMMUT TAPILUSSAQ 5C3-1

Siorarsiorfiup Kujalliup qeqqa, Nuuk

Februaari 2018



KOMMUNEQARFIK SERMERSOOQ
Sanarfinermut Avatangiisinullu Ingerlatsivik
Forvaltning for Anlæg og Miljø

Kommunimut pilersaarummut tapiliusseq sunaava?

Kommunimut pilersaarummut tapiliusseq tassaavoq ingerlaavartumik suliarineqartartoq, taamaattumik Pilersaarusionermut inatsit naapertorlugu (Pilersaarusionerq aamma nunaminertat atorneqartarnerat pillugit Inatsisartut inatsisaat nr. 17, 17. november 2010-imeersoq) naapertorlugu kommunalbestyrelse pisussaavoq, kommunimut pilersaarut pillugu pisariaqartutigit malinnaatitsissalluni. Taamatut malinnaatitsisarneq isumagineqartuarterpoq kommunimut pilersaarummut allannguutissanik imaluunniit ilanngussassanik pisariaqartunik tapiliussassaqaqtillugu.

Kommunalbestyrelse kommunimut pilersaarummut tapiliussamik nunaminertamik atuinissamut sanaartukkanullu tunngasunik aalajangersagartalimmik taamaalilluni sukkulluunniit suliaqarsinnaatitaavoq. Tamatuma saniatigut Kommunalbestyrelse sukumiisumik aalajangersagartalimmik kommunimut pilersaarummut tapiliortussaataitaavoq:

- Nuna tamakkerlugu pilersaarusionerup kommunillu pilersaarusionerata piviusunngortinnissaanut qulakkeerinisseq pisariaqaraangat.
- Sanaartugassanik imaluunniit sulianut annerusunut pingaaruteqartunulluunniit nunaminertamik atugassiinnginnermi.
- Sanaartukkanik anginerusunik pingaaruteqarnerusunilluunniit ingutserilinnginnermi.

Kommunimut pilersaarummut tapiliusseq marlunnik immikkoortortaqaqpoq, **nassuiaat** aamma **maleruaqqusanut** tunngasut.

- **Nassuiaammi** kommunimut pilersaarummut tapiliussap siunertaa anguniagaalu, pissutsit immikkoortup iluani eqqaanilu pioreersut nassuiarneqarput.
- **Malittarisassartaani** pilersaarutip piviusunngortinnissaanut atatillugu, aalajangersakkat malinneqarnissaat allassimavoq. Aalajangersakkat pingaarnertut inissillugit allanneqarput aammalu aalajangersakkat sukumiisunngorlugit allanneqarlutik. Aalajangersakkat tamarmik inatsisinut pituttugaapput, taamaattorli pissutsini immikkut ittuni, aalajangersakkanit sukumiisunit immikkut akuersissummik tunniussisoqarsinnaavoq. Tamatuma saniatigut nunap assingi ilanngussat attuumassuteqartut, aalajangersagartaaniipput.

Tamanut nalunaarut

Kommunimut pilersaarummut tapiliusseq 5C3-1 inaarutaasumik atuutilersutut tamanut nalunaarutigineqarpoq ulloq 14.03.2018

Kommuneqarfik Sermersooq
Sanarfinermut Avatangiisinullu Ingerlatsivik
Postboks 1005
3900 Nuuk

Pilersaarut sumi atuarneqarsinnaava?

Pilersaarut Nunatta Atuagaateqarfiani imaluunniit kommunip nittartagaani www.sermersooq.gl-imi atuarneqarsinnaavoq, kommunip innuttaasunut sullissivianut imaluunniit Sanarfinermut Avatangiisinullu Ingerlatsivimmut Kuussuaq 2, 3900 Nuuk saaffiginnillutit pissarsiarisinnaavat, oqarasuaat 36 74 31.

IMARISAI


1	NASSUIAAT	4
	1.1 PILERSAARUSIORFIK	4
	1.2 SIUNERTAA TUNNGAVIILU	5
	1.3 PISSUTSIT ATUUTTUT	5
	1.4 PILERSAARUMMI PINGAARNERIT	5
	1.5 PILERSAARUMMUT TAPILIUSSAP INATSISITIGUT ATUUFFII	6
2	AALAJANGERSAKKAT	8
	2.1 PINGAARNERTUT AALAJANGERSAKKAT	8
	2.2 AALAJANGERSAKKAT SUKUMIISUT	10
3	AKUERSINERMUT UPPERNARSAAT	14
4	ASSI ILANNGUSSAQ	15

1 NASSUIAAT









Una tapiliusseq immuni kommunimut pilersaarummut tapiliussat 37-saat uunga "Nuummut pingaarnertut aqqissuussaq nutaaq"-mut pilersaarummut ilanngunneqarpoq. Kommunip pilersaarutaanut tapiliussani 37-ni nunaminertat tamarmik pilersaarummut Nuuk City Developmentimut (NCD) ilaapput, aamma nunaminertat tunniunneqartut kommunip illoqarfimmik ineriartortitsinermut suliniutaanut toqqaannartumik tunniunneqarlutik. Nunaminertat Kommuneqarfik Sermersuumit imaluunniit Kommuneqarfik Sermersuup toqqaannartumik toqqaannangitsumilluunniit 100 procentimik pigineqartunut ineriartortitsinermut peqatigiiffiusunik atorineqarsinnaavoq siunertanut pisortatigoortumik atugassatut siunertanulluunniit namminersortunit atugassatut.

1.1 PILERSAARUSIORFIK

Immikkoortoq Siorarsiorfiup kujammut kangiani qatsinnersami manissumi inissisimavoq, tassannga Kangerluarsunnguamut isikkiveqarluni.



Ilisarnaatinut nassuiaatit

 Immikkoortup ilaa pioereersaq	 Inissiaqarfik A	 Nunaminertaq sanaartorfigeqqusaanngitsooq D
 Immikkoortup ilaa nutaaq	 Siliffeqarfik B	 Teknikkikkut atortorissaarutit kiisalu attaveqaatitigut atortorissaarutit E
 Inissiat/illut pioereersut	 Illoqarfiup qeqqa C	



Pioereersunut killigitat immikkoortullu ilaa nutaaq titarnernik aappaluttunik ilisarnaateqarput.

Kommunimut pilersaarummut tapiliusseq, Kommuneqarfik Sermersuumut Kommunimut pilersaarummut 2028-mut ilaavoq taanna pingaarnertut inuussutissarsionermut siunertaqartunut atugassatut naatsorsuunneqarpoq, qulaani assi takuuk.

Kommunimut pilersaarummut tapiliusaaq atorlugu immikkoortup ilaanik nutaamik inissiisoqassaaq, immikkoortullu atuuffia qitiusunngortinneqassalluni sullissivinnik pilersitsinissamut periarfissaqartinneqartoq.

1.2 SIUNERTAA TUNNGAVILU

Kommunimut pilersaarummut tapiliusaaq, illoqarfiup ilaanik nutaamik qitiuffissanngorlugu, tamanut atuisoqarfiusumik qitiusumik atorsinnaasaannik soorlu akunnittarfimmik, ataatsimeersuartarfimmik allanullu atorneqarsinnaasunngorlugu ineriartortinneqarnissaa siunertaralugu suliaavoq.

Kommunimut pilersaarummut tapiliussami matumani immikkoortup ilaa nutaaq inissisimaffeqassaaq, sumiiffiullu atuuffissaa qitiusoqarfinngorlugu allanngortinneqassaaq ataatsimut atuuffilerlugu inissiaqarfittut, illoqannginnerami sukisaarsaarfeqarfittut periarfissaqartillugu.

Kommunimut pilersaarummut tapiliussami tunngaviit tassaapput:

- Immikkoortup ilaata qitiusutut atorneqarnissaa aalajangiunniarlugu
- Immikkoortoq pisuinnaat aqputaat pioreersut immikkoortumilu isikkiviit eqqarsaatigalugit aalajangiiffigineqassasoq,
- Najugaqartunut illoqarfiullu innuttaanut uninngasarfiit illoqannginnerallu pitsaasuunissaat atorluarsinnaanissaallu qulakkiissallugit,
- Sumiiffik attaveqaatit pioreersut tassunga ilanngullugit illoqannginnerat biilinullu inissiisarfiit il.il. eqqarsaatigalugit aalajangiiffigineqassasoq
- Siorarsiorfimiit immikkoortumut aqquserngit pingaarnert aqutigineqarsinnaanissaat qularnaarneqassasoq, assi ilanngussaaq 5C3 takuuk.

1.3 PISSUTSIT ATUUTTUT

Immikkoortup ilaa katillugu 3,0 ha-nik nunaminertaqarpoq. Immikkoortoq Siorarsiorfiup kangisissuani nunami sivingasumi inissisimavoq.

Sumiiffik ullumikkut sanaartorfigineqarsimangilaq.

1.4 PILERSAARUMMI PINGAARNERIT

Kommunimut pilersaarummut tapiliusaaq una atorlugu immikkoortup ilaa 5C3-mut aalajangersakkat pingaarnert sukumiisullu nutaat aalajangersarneqassapput. Immikkoortup ilaata 5C3-p pilersaarusionera pingaarnertut Masterplan 2017 Nuuk City Development-imit aallaaveqarpoq, tassani pinerullugu qitiusoqarfimmik nutaamik pilersitsinissaaq, nutaamik qitiusoqarfiliornissaaq sullissiveqarfittalimmik, Siorarsiorfiup Nuullu sinnerani innuttaasunik sullissiviusussamik.

Kommunimut pilersaarummut tapiliussami immikkoortup ilaa aalajangersarneqarpoq, ornigarneqartartunik kiffartuussiveqarfingortinnissaanut, silami uninngaarfiusartuni kulturimut tunngasunik sammisassaqaarfittut taakkununngalu pisariaqartut ilanngullugit.

Kommunimut pilersaarummut tapiliussap immikkoortup ilaa 5C3 aalajangersaaffigaa. Immikkoortumi akunnittarfimmik, ataatsimiittarfimmik allanillu atuisoqarluni sullissinermut inuussutissarsiornermik atuuffeqartunik biilinullu inissiisarfiit allallu periarfissiissutigineqarput. Sullissinikkut inuussutissarsiutit saniatigut nammineerluni inuussutissarsiutigisinnaasat (pilersaarutininik suliaqarfik, qarasaasialerisut, eqqartuussissuserisut, illussanik titartaasartut, ingeniorit, illunik tuniniaasartut, naatsorsueqqissaartartut assigisaallu) klinikkit (kigutilerisut, fodterapeut, tarnip pissusiinik ilisimasalik assigisaalu) sullissineq, pisortat allaffissornerat assigisaallu ilanngunneqarsinnaapput, naggataagullu piorsarsimassutsimut tunngasut katersugaasiviit, sunngiffimmi ornittakkat pinngotitaleriffiillu ataatsimut 9.000 m²-nik tamakkiisumik angissusilerlugit pilersinneqarsinnaapput.

Immikkoortup Siorarsiorfimmi inissiaqarfinnut allanut atanera pitsanngorsarniarlugu, innuttaasunut timigissartunut, pisuinnarnut, sikkilertunut aqqusineeraliortoqassaaq Siorarsiorfimmi immikkoortup ilaanut allanut atalersitassamik.

1.5 PILERSAARUMMUT TAPILIUSSAP INATSISITIGUT ATUUFFII

Inaarutaasumik inatsisitigut sunniutit

Kommunimut pilersaarutip piviusunngortinneqarnissaanut Kommunalbestyrelse suliniuteqassaaq, tassunga ilanngullugu nunaminertanik atugassiinerni. (*Pilersaarnermut inatsimmi § 29*)

Kommunimut pilersaarummut tapiliussap matuma inaarutaasumik akuerineqarnera tamanut nalunaarutigineqareerpat kommunimut pilersaarummut tapiliussamut inatsisitigut piviusumilluunniit akerliisumik pissutsinik pilersitsisoqassanngilaq. (*Pilersaarusiornermut inatsimmi § 30*)

Pisulli ilaanni aalajangersakkanit sukumiisunit nikingasoornerit annikinnerusunut immikkut ittumik akuersissuteqartoqarsinnaasarpog. Nikingasoornerit pingaarnerit aamma aalajangersakkanit pingaarnerit nikingasoornerit pissutigalugit nutaamik kommunimut pilersaarummut tapiliussaliortoqassaaq. (*Pilersaarusiornermut inatsimmi § 50*)

Nunaminertanik, illunik atortunillu manna tikillugu unioqqutitsinani atuinerit ingerlaannarsinnaapput, akerlianilli illunik atuinerit allannngortinneqarnerat nutaanilluunniit illuliornerit kommunimut pilersaarummut tapiliussamut akerliussanngillat.

Kommunimut pilersaarummut tapiliussap malitsigisaanik imaanngilaq
nunaminertat, illut atortulersuutilu pilersaarummi ilaatinneqartut,
pilersinneqassasut.



2 AALAJANGERSAKKAT

Matumuuna "Pilersaarusiortarneq nunaminertanillu atuineq pillugit Inatsisartut inatsisaat nr. 17, 17. novembari 2010-meersoq" (Pilersaarusiortarneq pillugu inatsit) kingusinnerusuk allannguutitalik naapertorlugu aalajangersakkat tullinnguuttut makku Kommunalbestyrelsimit aalajangersarneqarput.

Aalajangersakkat aalajangersakkanut pingaarnernut aalajangersakkanullu sukumiisunut avitaapput.

Aalajangersakkat tamarmik inatsisinut pituttugaapput, taamaattorli pissutsini immikkut ittuni, aalajangersakkanit sukumiisunit immikkut akuersissummik tunniussisoqarsinnaavoq. Aalajangersakkat pingaarnertit pilersaarummi tunngaviummik tunngaviupput taamaattumillu aalajangersakkanit taakkunanga immikkut ittumik akuersissuteqartoqarsinnaanngilaq.

2.1 PINGAARNERTUT AALAJANGERSAKKAT

MAANNA PINGAARNERTUT AALAJANGERSAKKAT	PINGAARNERTUT AALAJANGERSAKKAT NUTAAT
Immikkoortup ilaata killeqarfilersorneqarnera	
	
1. Siunertaq	
Inissianut siunertat	Nalinginnaasumik atuineq: C – Qitiusumut siunertat Immikkut ittumik atuineq: C1 – Qitiusumut siunertat

2. Atorneqarnera	
Sumiiffiup atuuffissaa inissiaqarfissanngorlugu aalajangersaaffigineqassaaq ammasunik pukkitsunik inissialiorfigalugu ilaqutariit ataatsit illuunik imaluunniit illunik affarleriinnik, inissianik eqimasunik pukkitsunik soorlu uiguleriiaanik assigisaannilluunniit aammalu inissiarsuarnik quleriiaanik.	Sumiiffiup atorneqarnera qitusoqarfimmi siunertanut illoqarfimmi pisariaqartut ilanngullugit aalajangersarneqassaaq, soorlu: Piniarfiit, namminersortut, (ussassaarusiornermik suliaqartartut, qarasaasialerisut, eqqartuussissuserisut, illussanik titartaasartut, ingeniørit, illunik tuniniaasartut, kukkunersiuisut assigisaalu), nakorsiartarfiit (kigutulerisoq, fodterapeut, tarnip pissusiinik ilisimasalik assigisaalu), kiffartuussiviit, pisortat allaffii, inissiat, hoteli, neriniartarfik, biilnik inissiisarfik teknikkimullu tunngasut pisariaqartut assigisaalu. Immikkoortoq inissianut assigiinngitsunut ataatsimoorfitalinnik, pinngortitami pinnguartarfiit aneertarfiillu ilanngullugit sanaartorfittut atorneqarsinnaavoq.
3. Sanaartukkat	
Nutaamik sanaartorneq pisinnaaqqullugu immikkoortoq tamakkerlugu ataatsimoortumik pilersaarusiortoqassaaq sunik sanaartortoqarnissaanik, qanoq annertutigisumik inissisimaffissaalu kiisalu immikkoortup allanngoriartorneranut sukumiisumik aalajangersakkat aalajangersarneqaaqqaassapput.	Quleriit sisamat angullugit portutigisunik illuliortoqarsinnaavoq.
4. Inissaqassuseq	
Immikkoortup ilaa inissianut 6-800-nik amerlatigisunut inissaqarpoq, illuliat inaarutaasumik ilusilersorneqarnerat apeqqutaatillugu. Matuma qulaani illuliornissanut periarfissat nunguppata immikkoortup ilaa tamakkerluni sanaartorfigineqareersutut sinneruttunillu inissaqartitsiffiunngitsutut isigineqalissaaq.	Immikkoortoq 3,0 ha-it missaannik annertussuseqarpoq. Immikkoortoq 9000 m ² -isut annertutigisumik sinneruttumik qitusoqarfissamik inissianullu 50-inut inissaqarpoq, illut inaarutaasumik ilusilersorneqarnerat apeqqutaalluni. Matuma qulaani sanaartorfissat atorneqareerpata, immikkoortoq tamakkerluni sanaartorfigineqareersutut sinneruttunillu inissaqartitsiffiunngitsutut isigineqalissaaq.
5. Eriagisariaqartut	
<i>Immikkut ittunik aalajangersagaqanngilaq</i>	<i>Immikkut ittunik aalajangersagaqanngilaq</i>
6. Nunaminertat piumasaaqatitaqarfiusut	
Immikkut ittumik killeqarfeqarpoq, mittarfiup tallilerneqarnerani mikkiartornermi	Immikkut ittumik killeqarfeqarpoq, mittarfiup tallilerneqarnerani mikkiartornermi

qangattalernermilu killeqarfiit silarleq ilorlerlu atuupput akornutaasoqaqqunagu. Immikkoortoq mittarfimmu aporfeqanngitsup ataaniippoq narlorissullu inissisimanerata ilaanut ilaalluni, tassanilu illut nunamiit illuliat nuuata tungaanut 127,5 qaangerlugu sanaartoqqusaanatik aqquserngillu sanaartorneqarnerini 121,5 qaangeqqusaanagu.	qangattalernermilu killeqarfiit silarleq ilorlerlu atuupput akornutaasoqaqqunagu. Immikkoortoq mittarfimmu akornutaannginnissamut piunasaqaatinit appasinnerusumiippoq, piunasaqaateqarfiullu titarnerup silarliup (koniske flade) iluaniilluni, illut aamma atortulersuutit nunamiit uuttorlugu portunerpaaffii assigiinngillat killeqarfiulli ilorliup (horisontalfladen) avataaniillutik, tassa killeqarfiit ilorliup silarliullu akornaniillutik (positiv hældning).
7. Aqqusinertigut angallaneq teknikkikkullu pilersuinerit	
Immikkoortup ilaa Qinnngutsinniit Sullorsuakkut aqqusineqassaaq.	Immikkoortoq Siorarsiorfiup pingaarnertut aqqusernganiit aqqusineqassaaq – ilaatigut Qinnngutsinni Aqqusineq Dronning Margrethe II-miit aallartissalluni.
8. Illoqarfimmik nutarterineq	
<i>Immikkut ittunik aalajangersagaqanngilaq</i>	<i>Immikkut ittunik aalajangersagaqanngilaq</i>
9. Immikkoortukkaat	
<i>Immikkut ittunik aalajangersagaqanngilaq</i>	<i>Immikkut ittunik aalajangersagaqanngilaq</i>

2.2 AALAJANGERSAKKAT SUKUMIISUT

Immikkoortoq immikkuualuttumut ataatsimut agguarneqassaaq, assitut ilanngussami takutinneqartutut. Immikkuualuttumut nutaamut, aalajangersakkanik sukumiisunik nutaanik aalajangiisoqassaaq.

Aalajangersakkat sukumiisut assigiinngiiaartunut tunngapput, ilaatigut sanaartornermut nunaminertanullu sanaartorfiunngitsunut tunngassuteqarluni. Immikkut pisoqartillugu, aalajangersakkanit sukumiisunit immikkut akuersissuteqartoqarsinnaavoq.

Immikkuualuttoq 1
1. Inissialiat inissinneqarnerat
Imm. 1: Sanaartukkat inissialiallu nutaat assimi ilanngussami 5C3-mi sanaartorfittut takutinneqartutut inissinneqassapput. Tamanna aamma illunut mikinerusunut soorlu sikkiliisivinnut, sakuusivinnut, teknikkimut atortuusivinnut/atortulersuutinut assigisaannullu atuuppoq.
Imm. 2: Sanaartukkat nutaat 2-4-nik qulereeqarsinnaapput, portunerpaamik 16 meterit angullugit. Teknikkikkut atortulersuutit soorlu silaannarissarfiit, elevatorit assigisaallu portussutsinik killilersuineritut ilaatinneqanngillat.
2. Inissialiat isikkui
Imm. 1: Sanaartukkat nutaat seqernup, anorip isikkiviullu sammivii eqqarsaatigalugit ilusilersorneqassapput, kiisalu avatangiisit eqqarsaatigineqassallutik.

Imm. 2: Sanaartorfissani ataasiakkaani illuliat illulioriaaseq, atortussat qalipaaitillu eqqarsaatigalugit ataatsimoortutut isikkoqartinneqassapput.

Imm. 3: Sanaartukkat tassaassapput illut takisuut, kipparissut ataatsimoortut imaluunniit siammasissut. Illut saqqai inini allerni ammasumik ersittumillu isikkoqassapput, aqqu tip tungaanut silataasa suliarinerini.

Imm. 4: Illuliat – tassunga ilanngullugit quit assigisaallu – atortussat soorlu qisuit, igalaamerngit, eternit, savimernit, ujaqqat, zink, aluminium, sisak betoniluunniit atorlugit sanaajussapput. Eqqaamiut saneqquasullu eqqarsaatigalugit illut silataasa iigai qinngorneqarlutik inngianartuussanngillat.

Imm. 5: Qaliat qaavi minnerpaamik gradinik sisamanik uingatilugit aamma qalissiamik taartumik, zinkimik, kanngussamik, qisunilluunniit qalluserlugit qaliat qaavisut qorsuusutut ilusilersorneqassapput (issuatsiaanik ivikkanilluunniit) inngiasutsissanngillalli. Tamakkunanga ilanngutinngitsuukkat tassaasinnaapput aneerasaartarfiit assigisaallu atortussiat allat atorlugit uinganeqanngitsunillu sananeqarsinnaasut.

Aniinganerusinnaasut, qaliat igalaarisinnaasaat assigisaallu qaliat qaavini naleqquttumik inissinneqassapput.

Imm. 6: Tummeqqat qalialiartarfiit illup timitaanut ilaatinneqassapput.

Imm. 7: Silaannarissarfiit, elevatorit, pujoorfiit assigisaallu illup titartarneqarnerata ilaatut ilanngunneqassapput. Taamaattumik silaannarissarfiit motorii illumi illulluunniit silataanni takussaasumut inissinneqassanngillat.

Imm. 8: Allagartarsuit illup ilusaa titartarneqarneralu naapertorlugit ilusilersorneqassapput. Allannerisa angissusaasa 2 m²-it sinnissappassuk ikkussinissamut Kommuneqarfik Sermersuumut qinnuteqaateqartoqassaaq.

Imm. 9: Illut silataat ullup unnuallu ingerlanerani matoqqasunik assiaquteqartinneqartassanngillat. Igalaat ungataanni ungaluusat akimut ersitsut akuerineqarsinnaapput.

3. Aqquserngit aqqusineeqqallu

Imm.1: Siorarsiorfimi pingaarnertut aqqusinermit aqqusineq aallartiffeqassaaq, nunap assinga 5C1-mi takutinneqartoq najoqqutassatut tunngavigalugu.

Imm. 2: Immikkoortut aqqusineeqqallu qanittumiittut atorneqartarnissaat qularnaarneqassaaq. Aqqusineeqqat sapinngisaq tamaat nunaareersumut naleqqussarneqassapput, taamaattorli tikikkuminarnissaat eqqarsaatigineqassaaq.

Imm. 3: Immikkoortumi kommunimut pilersaarummi aalajangersakkat nalinginnaasut naapertorlugit biilinut inissiisarfiliortoqassaaq.

Ataatsimut biilinut unittarfiliornermut tunngatilugu elbiilinut immiisarfissanik nappaasoqarnissaa periarfissaqassaaq.

Taamatuttaa qikkilinut inssiivimmik qulisamik naammaginatumik angissusilimmik pilersitsisoqassaaq.

Imm. 4: Aqqusernit aalajangersimasunik titarnilersugaapput (immikkut ittumik killeqarfiliussat), inissialiorfiusut sanaartorfiillu aqquserngup qeqqaniit 20,0 meterinik qaninnerusumik aqqusernermut, immikkoortullu ilaanut aqqusernup qeqqaniit 7,5 meterinik qaninnerusumut aqqusinerineqalersunut inissinneqassanngillat.

4. Nunaminertat sanaartorfigineqanngitsut sunngiffimmilu atortulersuutit

Imm. 1: Nunaminertat sanaartorfigineqarsimanngitsut sammisassanut assigiinngitsunut

<p>uninngaartarfittullu illoqarfiup inissaanut atatinneqartut aqqjissorneqassapput. Nunaminertat sanaartorfigeqqusaanngitsutut uninngatitat sanaartorfigeqarsinnaanngillat, taamaallaalli ingerlatsinermut pisariaqartunik illunut atortuusivinnut tunngasunik sanaartorfiusinnaapput. Kisiannili utaqqiisaasumik atortorissaarusorlugu sumiiffimmilu piffissami killilimmi assigiinngitsunik illunik mikinerusunik pilerlugu aqqjissuunneqarsinnaavoq.</p> <p>Imm. 2: Immikkoortumut atuuttumut tunngassutilimmik najugaqartunut atuisunullu uninngaarfissaliortoqassaaq. Tamakku seqerngup sammivia uningaartarfiillu pitsaassusii eqqarsaatigalugit inissinneqassapput.</p> <p>Imm. 3: Immikkoortut aqqusinernut, aqqusineeqqanut, biilnut inissiisarfinnut aamma ataatsimoorullugit uninngaartarfinnut atugassiissutigineqarsimanngitsut sanaartorfigineqassanngillat aammalu uninngaartarfinnut pinngortitatut isikkoqartutut atugassiissutigineqassallutik.</p>
<p>5. Teknikkimut atortulersuutit</p>
<p>Imm. 1: Inissialiat nutaat pisortat innaallagissamut imermullu aqputaataannut aamma kuuffissuaataannut attavilerneqassapput.</p> <p>Imm. 2: Imikoq qasertoq imikorlu tamarmik kuuffissuakkut kuutsinneqassapput. Nunap qaavata ernga kussiamiillu imeq kuuffissuakkoortinneqassanngillat kisiannili illulianut, aqqusinernut, aqqusineeqqanut nunaminertanullu sanaartorfigineqanngitsunut eqqaamiorisanut akornutaanngitsumik kuutsinneqassapput.</p> <p>Imm. 3: Pilersuinermt aqputit tamarmik nunap iluatigoortinneqassapput. Ledninginik inuup allap allanngortiterisinaanera ledninginik piginnittumut aningaasartuutaassanngilaq aamma tamanna ledninginik piginnittoq aatsaat isumasioqqaarlugu taassumalu innersuussutai malillugit pissaaq.</p> <p>Imm. 4: Immikkoortup ilaani teknikkikkut atortulersuutit immikkoortup ilaanik pilersuinermt atortut soorlu sakkortusaaviit, biilnut innaallagissamik ingerlatilinnut immiissutit assigisaallu inissinneqarsinnaapput. Teknikkimut atortulersuutit Nukissiorfiit aamma Kommuneqarfik Sermersooq siunersiorlugu aamma atortut kusanaaqutaanngitsumik inissinneqassapput.</p>
<p>6. Nunaminertat sanaartorfigineqanngitsut</p>
<p>Imm. 1: Illuliat nutaat sapinngisamik nunaareersumut naleqqussarneqassapput. Teknikkikkut imminut illersorsinnaasumik illuliornissaq eqqarsaatigalugu pisariaqartitsineq taamaallaat naapertorlugu nunamik allannguisoqassaaq.</p> <p>Imm. 2: Assimi ilanngussami takutinneqartutut sanaartorfinni nunaminertanilu aqqusinernut, biilnut inissiisarfinnut assigisaannullu atorineqartuni pisariaqartinneqartumik nunagissaasoqarsinnaavoq.</p> <p>Imm. 3: Immikkoortup ilaani naasut pioreersut sapinngisamik paariinnarneqassapput aammalu ajornanngippat inaalinneqassallutik, taamaalillutik sanaartortoqareerpat ilusaattut ilerseqqinneqarsinnaaniassammata.</p> <p>Imm. 4: Immikkoortup ilaa qaartiternerlukoqarpat qaartiterinermi assartuinermtiluunniit siammarsimasinnaasunik salinneqassaaq.</p> <p>Imm. 5: Nunaminertat sanaartorfigineqanngitsut saligaatsuutinneqassapput eqqiluitsuutinneqarlutillu. Silami inaaliisoqqaqusaanngilaq.</p>
<p>7. Eriagisassaq</p>
<p><i>Immikkut ittunik aalajangersagaqanngilaq</i></p>

8. Pinngortitap illersorneqarnissaanik soqutiginninnerit
<i>Immikkut ittunik aalajangersagaqanngilaq</i>
9. Nunaleraluni nunamik atuinissamik soqutiginninnerit
<i>Immikkut ittunik aalajangersagaqanngilaq</i>
10. Ataatsimut atortulersuutit
Imm. 1: Immikkoortumi 3.3-mi biilnut inissiisarfiliornissat pillugit aalajangersakkat takukkit. Imm. 2: Immikkoortut 4.1 aamma 4.2. aamma 4.3-mi silami uninngaarfii pillugit aalajangersakkat takukkit.
11. Piginnittut peqatigiiffii
Imm. 1: Immikkoortup ilaani illut pillugit ataatsimut soqutigisanik isumaginnittussamik piginnittut peqatigiiffiannik pilersitsisoqassaaq. Illuutillit, namminersorlutik inuussutissarsiutillit illuutaat immikkoortullu ilaani atuuffiit allat ilaasortaasussaataapput (aamma piginneqatigiilluni inissiaatileqatigiit). Imm. 2: Peqatigiiffiup aqquserngit, aqqusineqqat sanaartorfiunngitsullu isumagissavaat - tassunga atatillugu aamma ukiuunerani aserfallatsaaliinissaq - immikkoortumi sanaartorfiusumut attuumassutillit. Imm. 3: Peqatigiiffik kingusinnerpaamik pilersinneqassaaq sanaartorfimmi siulliulluni naammassineqartumi illulianik nutaanik naammassinninnerni atuilernernilu Imm. 4: Peqatigiiffimmit sumi najugaqarneq ataavartumik Kommuneqarfik Sermersuumut nalunaarutigineqartassaaq.
12. Avatangiisnik mingutsitsinermi killissarititaasut
Imm. 1: Immikkoortup ilaani eqqaavinnut eqqakkanut atugassanik inissiiffissanik nunaminertanik inniminniisoqassaaq. Imm. 2: Immikkoortup ilaani illut sukisaarsarfiillu nalinginnaasumik atorneqarnerannut ataatsimoortinneqarsinnaasunik namminersorluni inuussutissarsiutit atuuffiillu assigisaat taamaallaat naleqqussarneqarsinnaapput.
13. Illut nukissiuutinik atuinikitsut
<i>Immikkut ittunik aalajangersagaqanngilaq</i>
14. Atuinissamat piumasaqaatit
Imm. 1: Imatut pisoqaaqaartinnagu illuliat nutaat iserterfigineqassanngillat: <ul style="list-style-type: none"> • immikkoortoq 3 naapertorlugu biilnut inissiisarfiiit persinenqareerpata. • immikkoortoq 4 naapertorlugu nunaminertanik ataatsimoorussassanik pilersitsineq. • pisortat pilersuutaannut attavilernerit pereerpata. • inaarutaasumik nunagissaanerit naammassineqarnerat. Piffissap sanaartorfiusup tamanna ajornartissappagu immikkoortuni taaneqartut Kommuneqarfik Sermersuumik isumaqatigiissuteqartoqareerpat piaarnerpaamik suliarineqassapput.

3 AKUERSINERMUT UPPERNARSAAT

Kommunit pilersaarummut tapiliusseq una 5C3-1 Siorarsiorfiup Kujalliup qeqqa, Nuuk, matumuuna Kommuneqarfik Sermersuup Kommunalbestyrelsianit akuersissutigineqarpoq ulloq 20.02.2018

Kommuneqarfik Sermersooq ulloq 13-2018




Aasi Chemnitz Narup
Borgmesteri



Lars Møller Sørensen
Kommunaldirektøri

Ulloq 14.03.2018 inaarutaasumik atuutilersutut tamanut nalunaarutigineqarpoq.



KOMMUNEQARFIK SERMERSOOQ
Sanarfinermut Avatangiisinullu Ingerlatsivik
Forvaltning for Anlæg og Miljø

Kommunimut pilersaarummut tapiliussaq 5C3-I
Kommuneplantillæg 5C3-I

Ilanngussaq I, Immikkoortoq 5C3
Bilag I, Delområde 5C3
Aggusti 2017 / August 2017
Uutuut 1: 3000 / Mål 1: 3000
A4